


44323/B

J. xxx
18/n



Digitized by the Internet Archive
in 2017 with funding from
Wellcome Library

<https://archive.org/details/b28781387>

DISSERTATIO INAVGVRALIS MEDICA

SISTENS

PARTVS NATVRALIS
BREVEM EXPOSITIONEM

QVAM

CONSENSV ILLVSTRIS MEDICORVM
ORDINIS

PRO OBTINENDIS SVMMIS

IN

MEDICINA ET CHIRVURGIA
HONORIBVS

DEFENDET AVCTOR

IOANNES IACOBVS RÖMER

HELVETO-TIGVRINVS

D. XXI. SEPT. MDCCLXXXVI

H. L. Q. S.

GOETTINGAE,

Litteris IO. ALBR. BARMER

ACAD. TYPOGR.



25015

PIIS

IOH. HENRICI RAHNII

MANIBVS

PAVLO VSTERI

IOH. HENRICO LAVATER

AMICIS. COMMILITONIBVS.

SACRVM,

Handwritten:
Lentz
22/6/10

JOHN HENRY HAYES

AND

PAUL D. HAYES

JOHN HENRY HAYES

AND

PAUL D. HAYES

Cum maximam, quo hic commorarer, temporis partem, in addiscendis artis obstetriciae disciplininis versatus sim, haud abs re fore duxi, peracto iam curriculo academico, quaedam ex ea ipsa petita, proferre. Et quidem de *partu naturali* mihi sermo erit, quod superuacaneum et nullius momenti videbitur iis, qui obiter tantum et quasi praetereundo obstetriciae artis fontes adiere. Equidem multo magis vereor, ne viri in arte nostra peritissimi praeposterum potius et ad prouectiores annos remittendum ducant laborem meum. Quem enim, qui vnquam obstetriciam professus est artem, latere potest, partum naturalem fundamentum esse, quo omnis nostra theoretica partus cognitio nitatur, auxilium in praeternaturalibus et difficilibus casibus ferendum, superstruatur? Quis est, qui nesciat, in partu naturali, quamuis vulgatissimo, multa adhuc, et haec quidem grauia, esse obscura, et non nisi serie obseruationum solidarum, et maxima cum diligentia institutarum eruenda, firmanda?

Noua autem atque inaudita proferre, vetat iuuenilis et nondum satis experta aetas, vetant limites, quas mihi ipse in elaborando isthoc specimine breuissimas, praescribere debui. Sed eandem materiam vberiori et pleniore sermone, et multo pluribus firmatam et locupletatam obseruationibus post aliquot annos pertractandi animus mihi est; ita vt sequentes pagellae schema tantum seu sceleton sectionis scripti illius, quae (missis theoriis de partus mechanismo etc.) strictiori sensu de partu naturali aget, offerant. Sequenti vero ordine rem ipsam adgrediar :

1. Ex obseruationibus a me ipso summa qua potui diligentia et attentione, in nosocomio grauidarum Goettingensi, sub auspiciis praeceptoris mei et Fautoris pia mente colendi Cel. Prof. FISCHERI, florente, institutis, vnam alteramue continuo sermone narrabo, vt exinde methodus appareat, quam in exarandis fere quadraginta aliis sequutus sum.
2. Delectum quatuordecim obseruationum in formam tabularem redigam, omnia quae mihi memoratu digna visa sunt comprehendentem.
3. Ex his Obseruationibus, veluti corollarium, partus naturalis historiam deducam.

Fortassis nonnulli mirabuntur, quod tam parcam auctorum copiam citatam reperient; ad sciant rogo, hoc bono consilio fuisse factum. 1. enim, lectione omnium librorum et breuiuscularum commentationum ad dissertationis Thema facientium tempus, serioribus, gravioribusque et per totam vitam profuturis lucubrationibus destinatum terere nolui; neque inanem iactantiam maximo soluere damno meo. Quamuis autem 2., persuasum habeam, quod scribenti de hac illaue materie, optimi quivis fontes adeundi sint omnes, tamen non video, cur lectores tam omnis eruditionis expertes sibi fingat auctor, quin hos in arte magistros et alios plures iamdudum legerint atque in succum et sanguinem conuerterint. Taedium sane et stomachum mouet, si quotidie tantam scriptorum copiam prodire videmus, quorum quarta seu tertia pars in citationibus aequae superuacaneis quam falsis et saepissime ab antecessoribus mutuatis consistit. Ego nempe auctores adlegando hanc legem sequutus sum; ut ubicunque cum *plurimis* ab omnibus pro *artis magistris* habitis sensissem, nullum plane testimonium subiungerem, quia meis observationibus tam certus factus sum, eos bene obseruasse, ut easdem nunc pro meis agnoscam et una cum antecessoribus meis earum veritatem vindicem: ubicunque autem a praeclarorum, et summorum in arte virorum sententia discreparet, vel

vbi hoc vel aliud propositum auctoris cuiusdam, adhuc incertum et ambiguum haereret, ego vero siue testimoniis aliorum siue meis obseruationibus hanc vel illam difficultatem tollere, errorem emendare posse crederem, tunc sancte auctores allegarem, tam illos cum quibus, quam contra quos sentirem. Si autem iudicium isthoc meum de citationibus contemtui verae eruditionis, siue propriae negligentiae, quam defendere studerem, tribuere velit aliquis, certe, multum falleretur. Nam si quis alius, certe ego veram eruditionem et praecipue historiae literariae studium adamo et pro viribus colo, mihiq; facile fuisset immensam copiam auctorum de materia mea tractantium, referre. At omnia haec *suo loco*, bona atque optima esse, sed heic neutiquam pertinere existimo. Caeterum ipsi de hac re iudicent viri omnis generis eruditissimi: ego leuiter tantum opiniones meas proposui, et ad illorum iudicium libenter me compono. Nunc ad rem.

I.

*Partus absolute naturalis foeminae
primiparae.*

A. M. W. mulier viginti trium annorum, bene conformata, robusta, staturae procerae, quae inde ab initio mensis Augusti anni 1785 grauiditatis signa, et ad finem

De-

Decembris primos embryonis motus sensisse se credebat, et versus d. 24. Iunii mensis, gestationis finem expectabat: caeterum per omne grauiditatis tempus sana, exceptis affectibus quibusdam peripneumonicis, a plethora oriundis, qui autem venaesectione et regimine antiphlogistico statim tollebantur.

Haec vespera diei 18. Iunii mensis hora decima subitaneo vomitu corripiebatur, quem illico dolores *praesagientes* excipiebant: hi in medio abdomine incipiebant, et sensim sensimque per eius latera pergentes tandem in lumbis cessabant, et longioribus interuallis redibant. Perfrigit paullulum foemina, sed praeterea nihil incommodi sentiebat. Transacto sic medio noctis dolores nunc paullulum frequentiores fieri coepere.

Hac nocte aegra nullum plane ad ponendam vrinam stimulum sensit: at mane diei 19 symptoma istud apparuit.

Die 19, hora 8 matutina. Dolores quibusuis dimidiis horae quadrantibus redeunt; augentur numero quando foemina circumit, minuuntur, quando subsidit.

Ventris tumor minor quidem factus tamen umbilicum palma transuersa superans. Integumenta admodum expansa, at tamen abhinc quatuor diebus aliquantulum relaxata. In dextro latere tumor nonnihil maior percipitur, quam sinistro. Genitalia externa tument: vagina relaxata, lubrica. Caput luculenter praeuium, supra arcum

ossum pubis firmiter haerens, immobile. Cervix vteri, tam alta haerebat et tam profunde in excavatione ossis sacri occultabatur, ut digiti tangentes vix ac ne vix eam assequi possent. Solummodo superueniens dolor, eam digitibus explorantibus appropinquabat, et tum reperiebatur ceruicis adhuc portiunculam minutissimam adesse, orificii aperturam circa tres ad quatuor lineas in diametro habere, et velamenta se tendere.

Cum iam per triduum alui obstructione laborauerat, enema parturienti applicabatur: quo facto duabus vicibus aluum deposuit, et doloribus auctis afficiebatur.

Hora 11. Nihil quidquam mutatum, excepto vteri orificio nunc paullulum magis aperto.

Meridie aegra magna cum appetentia cibos sumsit. Hoc vero nullam dolorum mutationem adferre videbatur.

Hora 3½ vespertina. Omnia in eodem statu, nisi quod nunc medium digitum per os vteri transmittere valerem. Cervix nedum adhuc omnis evanuit.

Hora 6½. — Dolores multo vehementiores fiunt. Labia orificii vterini nunc omnimode deterfa; Diameter oris vteri dimidii pollicis magnitudinem aequat: Velamenta etiam, sub doloribus tensa, nunc maiorem circumferentiam prae se ferunt. Orificium vteri antea vix attingendum, nunc pollice depressius. Ad matris sinistram distincte sentio futuram sagittalem secundum dia-

diametrum obliquum procedentem: supra os pubis arcum fontanellam minorem: sensisse mihi etiam lambdoideae crus videtur.

Hora octaua vespertina denuo clyisma applicabatur, quo cum fordes multae deiectae fuere.

Viginti ante nonam horam minutis, vomitus vehemens exortus.

Hora 9. — Transitus in *secundum stadium* in propinquo est. Mucus vaginae rubro tingitur. Orificii vteri crassities dimidiam lineam non excedit; aperturae diameter tres pollicis quadrantes aequat. Dolores vehementes quidem et frequentes, at a parturiente non suffulti, aderant.

Hora 9 $\frac{1}{4}$. Iam secundum stadium penitus ingruit. Orificii aperturae diameter pollicem superat. Velamenta, etiam cessantibus doloribus extra orificium protrusa. Dolores efficaces, singulis fere quatuor minutis redeuntes.

Abdomen tactu dolere coepit. Hora undecima. Velamenta ex orificio prominent satis, sed nondum tantopere expansa ut rupturam tam proximam crederes: attamen rumpunt. *Initium stadii tertii.*

Aquae, octauam mensurae partem efficientes, magno cum impetu profiliere.

At nunc lentius expectatione nostra processit res: dolores quidem et vehementes erant et frequentiores: at parturiens sub doloribus dorsum incuruabat, ita ut nifus efficaces edere non posset. Verisimile
etiam

etiam est, crebras explorationes, quibus vagina omni muco suo priuabatur, in causa huius lentoris fuisse.

Hora 12 $\frac{3}{4}$. — Caput totum quantum in vagina; perinaeum sub doloribus tensum.

Quatuor ante primam diei 20^{mi} horam minutis, tumor capitis iam extra labia magna conspicuus, et pauca minuta post, peperit foemina,

Post partum viribus delapsa aegra, toto corpore contremiscebat, admodum dolorosa, frigore concutiebatur et Lipothymia leuiori. Tum paullulum calidioribus vestibus tegebatur puerpera, illique guttulae quadraginta Liquoris anodynii mineralis Hofmanni instillabantur: quo facto suavis somnus solutionem placentae nonnihil retardans, illam excepit. Tandem hora secunda noui diei paucae guttulae sanguinis stillauere. Sed expulsio totalis placentae, tantum viginti post horam tertiam minutis euenit, sine magna sanguinis deperditione.

Infans recens natus foeminini generis erat. Pondus eius 7 $\frac{3}{4}$ libr.

Magnitudo viginti vnus et dimidii pollicum.

Diameter capitis maior 4 poll.

- - - minor 3 $\frac{1}{2}$ poll.

Funiculus vmbilicalis crassus, collo infantis semel circumuolutus, hic illic varicibus aspersus, viginti nouem pollices longus erat.

Is, vti fere apud omnes caeteros compertum fuit, versus marginem placentae insertus, et Velamenta eccentrica rupta erant.

Placenta oblonga, $1\frac{1}{4}$ libr. aequilibrabat.

Notanda.

1. Quod parturiens doloribus tam atrocibus in pedibus et genibus cruciabatur, vt quum a valida sustentatione harum partium multum leuaminis sentiret, quauis occasione hocce auxilium a nobis expeteret.

2. Quod iam inde a hora secunda diei 19 tam bene se gereret in sella obstetricia, vt, quamuis pro lubitu illi ingredi, decumbere, sedere licitum fuerit, tamen hunc situm quibuscunque aliis praeferret.

II.

Christiana KÖHLER, Nordhusiae incolae, nouemdecim annos nata, primipara, staturae mediocris, inde a tertia Iunii 85 hebdomade grauida, penultima eiusdem anni hebdomade motus infantis primum sensit. De cetero per totum grauiditatis tempus sanissima, nisi quod mammarum dolores atroces perpeffa est, qui vero cessauere.

Haec noctu diei vigesimi Martii 1786 doloribus lumborum, sensu aegritudinis, et crebro instinctu vrinam mittendi, corripiebatur. Dolores in lumbis incipiebant, et exinde per totum abdomen se propagabant.

Die 21. hora 9 matutina Dolores vehementes, frequentes. Perfrigerium. Nausea.

Ab-

Abdominis tumor umbilicum palma superat; durissimus; inprimis in regione umbilicali, vbi quasi in montem ascendit: in dextro latere paullulum maior. Umbilicus ad omnes dimensiones valide protrusus. Pudendorum labia tumida. Vagina mucro repleta, dilatata: caput mobile, supra arcum ossium pubis defixum: segmentum inferius carnosum. Portio vaginalis penitus deterfa: orificium vteri tenuissimum et eo vsque apertum vt medium digitum immittere possis; orificii margo rotundus, et acutissimus, ita vt nullum dubium amplius adsit, primiparam eam esse. De velamentis nondum satis distincte aliquid sentiebatur.

Meridie in eodem statu omnia reperiuntur, si orificium excipias, nunc magis apertum, et velamenta tactu distinctissima.

Hora $3\frac{1}{2}$ pomerid. Abdominis tumor transuerso digito magis subsidebat. Partes genitales mucro quammaxime repletae. Orificii aperturae diameter tres pollicis quadrantes aequat. Velamenta sub doloribus paucis lineis ex orificio prominent, etiam cessantibus doloribus facili negotio distinguenda. Dolores valde efficaces quouis quinto s. sexto minuto redeunt.

Hora 6. Vomituritio. Vomitus exiguus spontaneus: Dolores et vehementia et frequentia aucti. — Vacuum sinistri lateris nunc magis notabile. Vteri os maxime dilatatum, tenuissimum. Velamenta iam extra do-

dolorum tempus nonnihil prominent, recte fita esse videntur. Mucus sanguine tinctus.

Hora $6\frac{1}{4}$ Clyisma applicabatur, quod sedes copiosae infecutae sunt. Postea dolores multo minus efficaces et lentiores euasere.

35 minut. post h. 8. Velamenta rum-puntur. *Initium stadii tertii.* Iam languere coepit parturiens, et dolores vix aliquid effecere; ita vt hora decima optimum fore ductum fuerit, forcipem applicare: minime nempe dubitatum fuit naturam solam non sufficere ad expellendum infantem: at quum iam per aliquod tempus caput in vaginam propulsum fuerit, metus exstitit, ne si diutius illic commoraretur, hoc vitae infantis periculosum fieri posset. Forcipe itaque facillime applicato, octo tractionibus, quibus decem minuta impendebantur, absolutus fuit partus, et viginti minuta post, placenta infecuta.

Infans *foeminini* generis, statim vociferando, et oculos aperiendo se in vita esse prodidit, neque vlla signa applicati forcipis prae se tulit.

Pondus - - - 6 libr.

Mensura - - 22 pollic.

Capitis diameter maior - $4\frac{1}{4}$ pollic.

— — — minor - $3\frac{1}{4}$ pollic.

Funiculus umbilicalis 28 pollices metiebatur, nodo vero distinctus.

Placentae pondus libr. j.

Funiculus umbilicalis versus placentae marginem insertus et velamenta eccentricae rupta erant. III.

III.

Partus naturalis nervosus ex spastico genere, symptomatibus remoratus.

Die 5. Augusti, vigesima septimana abinde grauida primum motum embryonis sensuerat elapsa nunc erat. Iam ante annum filiam pepererat. At partus iste per tres dies durabat, et quamvis tandem vivum infantem in lucem ederet, difficillimus erat. Abdomen modice expansum, recte subsidebat, et praeternaturalis nihil prae se tulit. Crura, pedes atque genitalia varicibus adspersa erant. (Hos sequelam praecedentis retardati partus praedicare, quo partes hi debilitabantur, nullus dubito). Iam ante hos dies ventris tormina et auctos nifus vrinam mittendi passa est aegra.

Circa mediam noctem primis doloribus corripiebatur, et mane hora secunda orificium vteri pelvis medium occupans ad quatuor lineas in diametro apertum inuentum fuit: caput pelvis cavitatem omnino explevit. Dolores naturales, id est, simplices, boni et efficaces aderant, ideoque orificium vteri hora quarta iam ad decem lineas apertum. Velamenta, ut videbatur, tantum ex inopia aquarum non distendebantur, sed firmiter capiti adhaerebant: caput ipsum orificio vteri maxime accomodatum erat. Quid multa? tam faustum et naturalem patrum praedicebant fere omnia signa, ut nullum dubium restaret, cum hora septima matutina certo certius fore absolutum.

Hora

Hora 4. matutina patellam parturienti coffea plenam praebebant; hanc autem mox insequuto vomitu eiiciebat.

Hora quinta frigore aliquantulum afficiebatur (vomitus et frigus alternis vicibus succedentes signa sunt pathognomonica dolorum spasticorum), postea languore et debilitate quadam singulari, quibus dolorum efficacia minuebatur: hanc ob rem versus sextam horam iteratis vicibus aliquantulum liquoris anodynii sumsit, quo vires restaurari videbantur. Sed hora septima frigus et languor denuo exorta. Liquori itaque 15-20 Laudani liquidi guttulae addebantur, at statim vomitu eiiciebantur; (Laudanum non in causa huius vomitus fuisse, testatur Coffea ante aliquot horas vomitu eiecta) nihilo tamen minus vires restauratae videbantur; quamvis partus nequidquam ulterius processisset, hoc solo excepto, quod orificium vteri nunc ad $1\frac{3}{4}$ pollic. diametrum expansum, caput magis versus pelvis exitum protrusum, iuxta velementa orificio vteri proxime appositum reperiretur. Nunc (hora 7) autem, cum doloribus simul ventris tormina ingruebant.

Rebus sic stantibus, versus horam octavam rursus 15 ad 20 Laudani liquidi guttas, cum sufficiente quantitate liquoris anodynii sumsit, neque amplius respuit. Sed loco simplicium et efficacium dolorum, ventris tormina magis magisque aucta fuere, et cum quovis dolore lotium expellebatur, Languore iterum correpta est aegra. Dolo-

res vero isti, quamuis spurii, tamen nequaquam *colici*, sed *spastici* erant, et quidem partiales, vteri parietem anteriorem et regionem vesicae vrinariae occupantes.

Cum in eodem statu maneret foemina, et partus neque promoueretur, neque retro iret, hora 9½ nunc tertia vice quindecim guttae Laudani cum Liquore anodyno sumfit sed sine successu: et languor enim, et dolores spurii potius augebantur quam imminuebantur. Lipothymiae quidem non aderant, sed nihil minus debilitas ad summum gradum peruenta erat: ad modum infantum mammam sugere non valentium, seu moribundo similis, cui deglutitio iam cessat, ne guttulam fere iusculi deglutire valebat. Desperatae sic quidem res videbantur, at reuera non erant. Cum enim praeter alia signa, calor non multum auctus, et pulsus haud ita vitiatu maneret, minime dubium erat, quin debilitas ista praeter naturalis aliud quidquam sit, quam spasmus, quo cessante melioris notae dolores exorirentur et simul ac vires, nequaquam corpori ereptae, sed tantum spasmo sopitae quasi seu suppressae, reuerterentur; et hoc modo partum praeter omnem spem et opinionem facilem euasurum.

Hora vndecima vehementia modo dictorum dolorum spuriorum ad tantum fastigium euehebatur, vt parturiens, quamuis summo languore et debilitate oppressa, tamen alta voce eiulatus emitteret.

Cer-

Certissimum quidem erat, Laudanum non in caussa dolorum istorum fuisse; attamen quum vsus eius nullum fructum attulisset, quinimmo dolorum vehementia indies aucta fuisset, nihil amplius de isto remedio exspectandum erat. Dolores vero isti non erant spastici inuersi ordinis, vbi orificium vteri rursus contrahitur. Venae-sectio non nisi cum summo parturientis periculo institui poterat: Clyisma itaque anodynum praescribebatur ex Essent. Castor. cum Liq. C. C. succ. et pulv. antisp. Nitr. At cum haec agebantur, foemina inde a 11½ ad 12 horam sex dolores habebat, quos valide, et *sine eiulatu* sustinuerat. Post hos exploratione facta compertum fuit orificium vteri eximie dilatatum, et velamenta lata, expansa: nunc digitis rumpebantur:

Sequentia impediabant, quo minus ruptura ista artificialis citius institueretur:

1. In lecto id minus commodè institui, et in sedile transferri aegra non poterat.
2. Antea ad nixus edendos, (siue in lecto siue in sedili id fieret) nimis debilis erat.
3. Orificium vteri non erat sufficienter apertum, neque velamenta satis protrusa.

His peractis aegra derepente tanto vigore reuiuiscere coepit, vt caput primo post aquarum effluxum exorto dolore validissime protruderetur, et tempus fere deficeret eam in lectulum ad parturiendum adaptatum transportandi, vbi perpeffis quinque vel sex doloribus (adeoque ante et post velamento-

rum rupturam 13 - 15 dolores omnes has mutationes efficiebant) enixa esset puellam sanissimam et valde robustam. (Clyisma ergo non applicatum fuit). Placenta facillimo negotio insequuta.

Puerperio tranquillimo, et ne minima quidem infirmitate turbato gauisa est mulier.

*

*

*

III.

Partus naturalis historia.

Priusquam me ad tertiam dissertatiunculae meae partem accingam, necesse videtur quaedam admonere, quae vel ad meliorem intellectum, vel ad arcendas has illasue alienas interpretationes seruire possunt.

Memores igitur sint lectores mei, hoc loco solummodo de *partu naturali et in illo peragendis* sermonem esse; itaque omnia, quae conuenientiae et nexus gratia hic illic interspersa sunt, et vel ad grauiditatis symptomata, et tempus, vel ad partus theoriam, vel ad casus praeternaturales pertinent, pro alienis habenda esse. Deinde non aegre ferant, ubi omnia sermone minus prolixiori et breuibus tantum prolata reperient. Nam hac in re exemplar mihi quasi imprimis proposui, *Hironymum David GAVBIVM*, cuius breuitatem in dicendo, coniunctam cum subtilitate summa, si cui attingere liceret, illum ego mihi virum egregie doctum laudauerim; me ipsum autem ne ex longinquo quidem attigisse, omnium optime noui ipsemet ego. Interim vero periculum fecisse non piget: enim-

enimvero persuasum habeo, id mihi maximo
 vsui fuisse, et illum tantummodo doctrinam
 suam habere absolutam, qui eam tam sub-
 tiliter, clare, accurate atque solide expli-
 care posset, vti modo dictus medicorum
 primipila. Neque hoc vt tempori parcam
 feci, quum de certo affirmare possum, ne-
 gotium mihi multo facilius fuisse, si quod
 vna plagula exposui, quatuor vel quinque
 conscripisssem. Tandem ingenue rogo, per-
 suasum habeant, vbi forsan huc illuc a viris
 ceterum celeberrimis et doctissimis dissen-
 tiam, id nulla omnino alia ex causa, nisi
 veritatis studio factum fuisse. Nihil enim
 magis in votis habeo, nisi vt, si errauerim,
 a iudicibus meis meliora ediscam.

* * *

Sub finem decem circiter mensium lu-
 narium inde a conceptionis tempore foemi-
 na grauida tandem *parit*, i. e. infantem
 per 280 dies in sinu gestatum, in lucem edit.

A variis varie diuiditur partus: siue
 enim est naturalis, siue praeternaturalis;
 siue facilis, siue difficilis, et sic porro. At
 omnes hasce diuisiones et distinctiones enu-
 merare heic non nostrum est, quamuis
 cunctarum, (praeter eam sanae rationi con-
 trariam distinctionem, vbi partus naturalis
 s. perfecte, s. imperfecte naturalis iterum
 audit (v. HAGEN'S neües Lehrgebäud) vti-
 litatem rite agnoscamus.

Nobis *naturalis* partus — cuius *unicum*
 tantum genus existit — omnis ille audit,

quo foetus solas per naturae vires, nulla adiutus arte, ex vtero materno expellitur, vel saltem expelli posset, nisi obstetricanti varias ob causas melius visum fuerit accelerandi expulsionem istam.

Quemcunque partum (naturalem aequae ac praeternaturalem) *Signa* quaedam praecedunt, scitu perquam necessaria, quibus imprimis edocemur, num partus reuera instet, et qualis futurus sit.

* * *

Signa partum naturalem, tres, quatuor, ad octo et plures dies *praecurrentia*, plus minus conspicua, quandoque, at raro, plane imperceptibilia: pro diuersa aetate, constitutione, temperamento, subinde aliquantulum diuersa, haec fere sunt:

Foemina inde a tempore primae conceptionis circiter ducentos et octoginta dies numerat: mucus solito maiori copia feceritur albus; crassus, viscidus, emolliens, lubricans, praeparans, subinde tam copiosus, ut vagina effluat: molestia et ponderis sensus in infimo ventre, cum frequentiori mingendi cupiditate a sensim sensimque tentata atque incepta eius dilatatione originem ducens: abdominis forma mutata, tumor eius plerumque delapsus, cum parturientis faciliore respiratione, et magno totius corporis leuamine: tument labia magna uti et parua, emollita; hiat vaginae introitus: vagina ipsa paulatim dilatata, rugis plicisque euanescentibus.

Notas hasce probe' perspectas habeat iuuenis obstetricans, ne aliquando, de instante partu interrogatus, errorem committat, famae suae perquam nociturum.

Signa ista citius tardius excipiunt *dolores* (Wehen, Labour-pains, douleurs) i. e. sensationes molestae, ortum trahentes a contractionibus vteri, ab onere suo se liberare tendentis. His natura vtitur tamquam instrumentis ad partum perficiendum.

Diuiduntur dolores isti siue secundum eorum naturam, siue secundum eorum vehementiam et tempus quo in partu occurrunt.

Quod attinet ad *naturam*, sunt vel spurii vel veri.

Dolores spurii haud ab vteri contractionibus oriuntur, sed tantum dolores colici sunt et tormina dolores veros et partum appropinquantem mentientia. Partum autem nequaquam promouent et sublata causa statim cessant, etsi antea satis molesti fuerint.

Dolores veri nonnisi instante partu et a veris vteri contractionibus, proficiscuntur, foetum ita propellentibus, vt a partibus superioribus inferiora versus directae sint contractiones. Hi, priusquam infans sit in lucem editus nulla arte sedari possunt.

Sunt vel praeternaturales, vel naturales.

Dolores veri praeternaturales semper spastici generis sunt: ab aetate, constitutione, temperamento, animi affectibus, nimia vteri

distentione (in foemina delicatula, primi-para), situ foetus peruerso, nimia irritabilitate et sensibilitate parientis, foecibus alvinis s. lotio diu retentis, primarum viarum impuritatibus, mala peluis conformatione, peruerso obstetricis auxilio, anni tempestate, temperatura cubiculi, cet. originem trahunt. Alternantibus quidem vomitu et frigore, facie iam a primo partus tempore rubra, inflata; pulsu celeri, exili, contracto, duriori; dentium mox stridore, mox valida compressione, subsultu tendinum, crebris Lipothymiis, languore, inefficacia, explorationis ope, praecipue autem eiulatu parturientis et ex eo dignoscuntur, quod fere semper exhibitis anodynis et opiatis cessant, cum e contrario dolores veri naturales nullo unquam remedio sedandi sint. Coeterum secundum caussarum diuersitatem diuersimode iis medentur.

Quodammodo et *dolores tergiuersantes*, cum languore et insigni torpore parturientis coniuncti, huius loci sunt, quum ab iis partus praeter naturam tardus euadat.

Sed inprimis ad scopum nostrum pertinent *dolores veri naturales*, quum unice in illo solum partus genere, quod mihi paulo accuratius depingendum proposui, occurrant.

Hos secundum diuersa partus tempora, quibus superuenire solent etiam multum inter se differre, neminem rei obstetriciae vel tantum non ignarum, latet. Quod discrimen ita magnum reperitur, vt
ab

ab eo, additis nonnullis aliis phaenomenis, *stadia* quaedam partus clare nobis fingere possimus. Haec distinctio tam in enarranda historia partus, quam in ferendo prognostico multum commodi affert.

Sunt autem *stadia* ista numero *quatuor*. Nonnulli auctores tria tantum agnoscunt, ita nempe, vt tertium et quartum haud distinguant: Id quod vero perperam fit, cum omnino inter se differunt, et iam a natura ipsa distincta esse videntur, veluti ex iis quae sequentur, patefiet.

Decursum itaque dolorum istorum eo modo enarrabo, vt, quae simul obseruantur phaenomena suo loco inferam, sicque vno filo totam partus naturalis historiam comprehendam.

Dolores praefagientes. Stadium primum.

Nostris *Necker*, s. *Röpfer*; Gallis *mouches* audiunt, quum nouae in his malis foeminae saepe iis fallantur, et partum propius instare putent, quam reuera est. Hoc leue dolorum genus iniucundum magis, quam vere molestum, foeminam grauidam inuadere solet, praesentibus iis mutationibus externis supra commemoratis.

Omnibus quidem horis, attamen praecipue circa tempus vespertinum primi sentiuntur. Plerumque 12-18 horis finiuntur, interdum vero etiam per tres ad sex dies protrahi possunt; quandoque duas ad tres tantum horas perdurant, in foeminis primi-

paris longioris, multiparis breuioris durationis. Incipiunt horripilatione, vomitu, vrinam mittendi desiderio, capitis doloribus, inquietudine et praecordiorum anxietate; superueniunt mox dolores ipsi, tensionis et ponderis sensu, in lumbis exorto, qui nunc per latera abdominis ad regionem pubis descendit, conspici rarius, i. e. singulis dimidiis horis, s. horae quadrantibus inuadunt, minus molesti, et foeminam, nisi primipara sit *) hilarem relin-

*) Vti sub quouis passu, ita etiam in partus negotio, admiranda nobis naturae sua vbiq̃ue lex ac solertia occurrit, propter quam omnia quae fiunt, tam diuersissimis modificationibus subiecta sint, vt singulis, sub quibus fiunt, conditionibus, aptissima sint. V. gr. in primiparis genitalia & vagina plerumque adhuc angusta, firma, tensa, elastica & ad dilatandum non tam apta sunt, quam in multiparis. Idcirco etiam dolores hi, apud primiparas omnium longissime durant, et vehementiores omnino sunt: quo fit, vt pedetentim et sine magna molestia partes in eum statum commutentur, qui ad partum commodissimus fit: cum e contrario, vbi id non fieret, partus valde protraheretur, foeminaeq̃ue multo maiores et vehementioris cruciatus afferret. — Superuacaneum itaque, et nullius vtilitatis censendum auxilium eorum, qui in partu naturali, digitorum ope, partes genitales dilatare et hoc modo naturam iuuare modo plane erroneo somniant. Cum eos fugere haud deberet, naturam id solam, et nulla adiuta arte, efficere, et quidem longe alia ratione, ea nempe, vt legibus inuersis, in aperiundo vteri orificio obseruandis, vtatur, et ab interioribus nimirum ad exteriora progrediatur: ma-

linquunt. Parturiens sub his doloribus, tantum minori gradu, ita se gerit, vti in stadii secundi descriptione dicetur.

Dolores istos veros esse, partumque instare, tantum ab expertis multiparis noscitur, et ab obstetricante non nisi praegressa exploratione affirmari potest. Hi enim dolores praeter praesentiam ante dictorum partum praecurrentium signorum se produnt segmento vteri inferiore maxime expanso, breui, et ob capitis globum in illo degentem, et firmiter supra arcum ossium pubis positum, sphaerico; orificium vteri vero tam detersum et extenuatum est, vt ab externo ad internum fere nullum interstitium supersit: ad vnam duasue lineas apertum esse, et per aperturam istam sub vteri contractionibus tensio velamentorum sentiri debet. Notandum vero, quod in multiparis orificium vteri multo citius et ad maiorem diametrum dilatatum sit, ita vt fere semper digitum medium, immo duos, intromittere possis. Ibi instantis partus indicium certum, solummodo velamenta sub doloribus tensa, digitis explorantibus obuientia, et canalis ceruicis plane detrusus, praebent.

Dolo-

maximam praeterea diuersitatem versari, inter illam continuatam et partibus accommodatum dilatationem, quae velamentis et capite foetus sensim et opportune fit, et inter debile illud, non sine intervallis continuatum et partibus non accommodatum auxilium, quod digitibus fit.

Dolores praeparantes. Studium secundum.

Paulatim dolores et frequentiores redire, et vehementiores fieri incipiunt: anxietas, caeteraque symptomata ingrauescunt: parturienti *sub doloribus* genae rubent, si deambulaverat antea, nunc pedem sistit et quaecunque illi obuia manibus prehendere, et firmiter tenere cupit: inspiratio vehemens subsequitur, simul et pectoris et abdominis muscoli versus inferiora nifus edunt, et parturiens etiam inuoluntarios nifus edit, ac si alium deponere cuperet. Inuadunt omnibus 6-8-10 minutis, perdimidium s. integrum minutum durant, in interuallis vero foemina se reficit ac mox placida et tranquilla fit.

Huius vero stadii initium adesse dicitur, si mucus ille albus in vagina secretus nunc cum sanguine sit mixtus *). Tunc temporis orificium vteri saltem ad dimidium pollicem in diametro est diductum; sub doloribus tensae foetus membranae iam in eo percipiuntur. Post finem singuli eiusmodi doloris, aquae paulum adscendunt, vt tamen minus quam ante eum dolorem altae sint: deinde etiam silentibus doloribus protrusae manent, et sub fine tandem stadii secundi ita deprehenduntur, vt quasi durescant et sub quouis dolore rumpere minentur (springfertig). Scilicet sensim sensimque increcendo, formam oblongam, ouiformem

*) Signum istud non quidem in omni, sed tamen in quam plurimis partibus adest.

mem prae se ferunt, in conum nempe fastigiatae, cuneum quasi, cuius etiam officia praestant, referunt. Subinde tam magnae molis sunt, ut de vagina emineant, et hoc modo ipsa genitalia externa diducant. Orificium et segmentum vteri inferius, dum haec geruntur eousque euanescit et diducitur ut amplissimum ac tenuissimum dici queat et cum ipso vtero et vagina canalem aequaleffiat, foetum transmittentem. Tandem cum leui plerumque fragore et impetuosa liquoris amnii profusione, *membranae rumpuntur.*

Stadium hoc per 2 - 3 - 6 horas durare potest, et etiam multiparis tam molestum fit, ut cum ad primum non attenderint, nunc magis circumspectae fiant. Signa eius ex symptomatibus apparent.

Dolores veri ad partum. Stadium quartum.

Statim post velamentorum rupturam obseruamus dolores nunc nulla habita ratione vehementes et frequentes fieri. Vbi enim omnia in partu rite procedunt, singulis duobus vel tribus temporis minutis redeunt dolores. Eos vero multo efficaciores ac veluti alius naturae esse, quam praecedentes, primus iam intuitus demonstrat.

Facies ruberrima, pulsus plenus et celer, sudor ex quauis totius corporis parte stillans, oculi splendentes, tremor totius corporis et inprimis genuum, summa corporis inquietudo, anxietas, inspiratio suspiriosa, laboriosa, diuturna, et nifus validissimi-

diffimi quos exferit parturiens, indicant naturam nunc omnes vires impendere, et nihil aliud moliri, nisi vt aegram breui onere suo liberet. Non longo tempore post etiam effectus magni huius laboris apparent. Caput nempe, velamentis non amplius obtectum, statim in illum quem ante aquarum effluxum Chorion et amnios occupauerant locum, intrat, et per totum suum ambitum orificio vteri cingitur. Tunc temporis *caput coronatum* (Kopf in der Krönung. Tete couronnée Germanis et Gallis) audit, Quouis dolore caput, et quidem primum occiput, magis in cauum peluis deprimitur, atque hoc modo magis magisque ab omni latere comprimitur, Capitis inde ossa in conum fastigiantur: integumenta capitis cum antea non vbique sint dura et tensa, modo in plicas abeunt, eundem cum futuris cursum seruantes. Postea dum per fretum ossibus pubis et sacro interceptum lento modo transit, tumere incipiunt, id quod *capitis tumorem* appellamus.

Stadium istud intra horae (et saepissime semihorulae) spatium absoluitur, sed tam vehementer afficit parturientem, vt ingruente

Stadio quarto, c. doloribus conquassantibus
vix eandem agnosceres. Doloribus enim vehementissimis creberrimisque excruciatu, oculis furibundis extra cauitatem protrusis, fronte et genis madidis, facie ruberrima, feruente, vrente; dentium stridore,

dore, siti summa quandoque vomitu, respiratione difficillima, anhelosa, summa impatientia et inquietudine concomitata; sub totius corporis tremore, omnibus viribus ad magnum opus impensis, sine vlla intermissione siue requie affectam reperires. A capite profundius nunc descendente canalis vrethrae premitur, hinc vrinae effluxus impeditur. Caput ipsum, tum ex vteri ostio dimissum, totum in vagina haerens, ita perinaeum sub doloribus in hemisphaerium distendit: intestinum rectum, mechanice pressum, faeces suas dimittit, et ani orificium in rimam longitudinalem, secundum pelvis diametrum maiorem directum, intromissioni vnus s. duorum digitorum adaptatum aperit. Paucis infrequentibus minutis tumor capitis extra labia maiora conspicuus fit, et perinaeum cutisque vicina vehementissime distenta semper manet, et tenuitate chartam scriptoriam refert. Anxietas parturientis nunc summum attingit gradum: adest momentum, quo sibi ipsae mortem certam instare putant, quo veri *conquassantes* dolores ingruunt: non fecus cruciatus suos verbis exprimere valent, quam comparando eos cum dilaceratione partium cultrorum ope. Tandem sub acuto matris clamore et vna cum peculiari tremore caput euoluitur; ita quidem vt ea occipitis pars, qua lambdoideae crura cum sagittali conueniunt, intra arcum ossium pubis maneat, et hoc hypomochlii munere fun-

fungente, facies primum in conspectum veniat. Reliquum corpus fere semper facile sequitur, si partus sit naturalis: subinde quidem a nimia humerorum latitudine difficultates quaedam oriri possunt, at plerumque minus graues; vt idcirco partus haud alio nisi naturalis nomine insigniendus veniat.

Foetum continuo sequitur sanguinis copia (librae vnus pondus circumcirca semper fere aequans) qui vltimo partus tempore vasis vterinis exstillasse videtur, vna cum liquoris amnii ea quidem portione, quam secundariam appellare solent medici obstetricantes. Tum demum foemina dulce matris gaudium post tantos labores sentit. Dolorum enim expers summa tranquillitate et serenitate perfusa est, ita vt plures id temporis momentum inter felicissima & iucundissima vitae ponere minime dubitaerint. Blandus nunc interdum somnus defessam recreat, suauias insomnias exhilarant. Haec quidem beatitudo vix per semihorulam, tamen subinde etiam per horam integram durat. Interim vterus *aequaliter ubique* se contraxit (quod vniiformi modo iam in ipso partus momento, cum vterus vacuum se prima vice senserat factum fuit) et eo modo placentam paulatim a parietibus suis separauit.

Paucarum guttularum sanguinis effluxus, et vteri tumor, qui nunc sub umbilico circumscriptus, parvus et durus per-

ci-

cipitur, indicant, placentam solutam et nunc in eo esse, vt exitum ex vtero molia-
tur spontaneum. Noui hinc exoriuntur do-
lores, neque admodum graues, quibus ta-
men puerperae somnus perturbatur, ac pau-
lo post placenta tum pondere suo, tum vte-
ri contractionibus adiuta viam sibi parat,
aperiundo denuo vteri os, quod antea pau-
lulum contractum clausumque fuit, sicque
descendendo in vaginam sponte plerumque
in lucem prodit.

Tempus, quo placenta vtero excludi
solet, varium est: raro casu accidit, vt foe-
tum protinus sequatur, rarissimo exemplo
vna cum embryone ita expellitur, vt oui
nexu cum vtero soluto, ouum, membranis
quae liquorem amnii cum embryone ac pla-
centa continent integris, in conspectum ve-
niat. Saepissime intra vnus horae spatium
ex vtero propulsa placenta et in vagina hae-
rens, perinaeum, partesque vicinas eadem,
at minus molesta, ratione distendendo, vti
antea foetus, ab obstetrice deprehenditur.
Interdum vero, quod quidem omnino nihil
nocet, et non nimis pertimescendum est,
per integrum et plures etiam dies in vtero
remoratur, attamen non sine morbi sus-
picionem.

Post exclusionem placentae, vterus vi
quae ei inest elastica atque contractili, de-
nuo se contrahit, vsquedum ad figuram et
magnitudinem quam in mulieribus non gra-
vidis reperimus, sensim sensimque accedat.

Placentae autem exclusionem sequitur sanguis modo maiori modo minori copia, ex ostiis solutione placentae dilaceratarum venarum vteri stillans, subinde tam copiosus, ut vrgens vitae periculum afferat.

Absoluta eorum quae in partu naturali occurrunt, historia, superest etiamnum ut quaedam

De ope in partu naturali ferenda
adiiciamus.

Ea quae obstetricem, siue vir siue foemina hoc munere sub partu fungatur, decent, longiore sermone commemorare, animus non est. Dixisse sufficiat, mihi tantum de viris probis, in arte magistris, et foeminis honestis atque peritis sermonem esse.

Quam primum accersitus erit obstetricans, ante omnia prognosin quamdam edicere vrgebitur. De ea autem effatum suum semper incertum atque mancum manebit, quum, proh dolor! Semeiotice obstetricia, nondum ad eum perfectionis et certitudinis gradum peruenerit, cui necessario opus est ad prognosin certam atque solidam ferendam. Verum enimvero occurrunt casus pluri, ubi se necessitate coactum ad interpretandam sententiam suam vidit. Tunc praemissis quibusdam generalioribus quaestionibus, ad signa praecurrentia, dolores praesagientes &c. spectantibus, ad

Explorationem.

refugere debet. De hac prima illi lex esto, ut eam quantum potest differre studeat, quia

quia plerumque fouent foeminae eam de nobis sententiam, vt partus, etiam naturalis, accelerari possit, simulac tactu de foetus situ certiores facti essemus, Qua sola opinione fit, vt a nobis petant quod earum pudicitia alio tempore firmiter recusaret. Hinc si u. g. iam in primo partus stadio explorationem instituimus, et foeminae adhuc per duodecim et quod excurrit horas incrementibus magis magisque doloribus excruciantur, bonam quam de nobis foverunt opinionem deiiciunt, ac desperare coeperunt, id quod praecauere potuissemus, si tantum sub initio stadii tertii explorassemus. Admonitione vix opus habet nostra, vt in peragendo isto negotio cauta ac leni manu agatur, et decentiae quam maxime consulatur. Quod si itaque obstetricans foeminam siue in lectulo, siue in sella obstetricia explorare velit, semper eo respiciat, vt suis vestimentis amictam linteo largo atque commodo adhuc obtegit.

Exploratio foemina vel subsistente, vel sedente, vel in lectulo aut in sedile aut in latera, aut in dorsum procumbente institui solet. Situs lateralis et decumbens reliquis praestare mihi videntur. Multis iisque grauib argumentis adductus, praeunte Puzos, Levret, Raulin, Baudelocque, Deleurye, Stein, aliisque viris in arte praeclarissimis, experientissimis, semper et vbique, duobus digitis, medio nimirum atque indice, oleo quodam

expresso, non rancido, bene munitis, explorandum, atque vnam manus explorantis, vbicunque fieri potest, flexo eiusdem lateris genu imponendum esse puto, nam indies praestantiam atque emolumenta insolitae alias huius explorandi methodi experior.

In interuallis vtique dolorum exploratio institui debet, neque prius finienda, quam subsequutus dolor iterum cessauerit, quo melius dolorum efficaciam, oris vteri aperturam, atque velamentorum figuram et naturam discernere queamus.

Praeterea exploratione tumorem, humiditatem et dilatationem genitalium externorum et vaginae, ac partem praeuiam foetus cognoscimus.

Sciscitando, et exploratione externa, de reliquis momentis, nobis scitu necessariis, fimus certiores.

Quodsi igitur hisce adminiculis inuenimus, signa ea adesse, qualia in primo, secundo tertio, quarto, partus studio depicta fuerant, tunc *hoc* vtique affirmare possumus, at *de reliquis* (si famae consulere velimus) - fere nihil.

Verum enimvero, vti experientia, optima semper duce, edocti compertum habemus, singulos partus naturales fere semper, quod attinet generaliora, inter se conuenire, ita quoque haec eadem nobis discrimen sat magnum in quocunque partu, pro natura singularum mulierum parturientium monstrat.

De

De *eventu* partus tum demum certi quid dici potest, vbi omnes res caeteras, aetatem, corporis constitutionem, partus praegressos, dolores praesentes, pelvis conformationem, velamentorum figuram *), capitis foetus situm **), inter plura alia, probe perspecta habeat obstetricans.

C 3

Qui-

*) Obstetricantes tactu erudito praediti et experti iam a figura et situ membranarum partum naturalem vel praeternaturalem pradicere valent. Nam si caput solum praeuium sit, tum semper plus minus rotundae sunt, i. e. capitis figuram et ambitum referunt versus vteri orificium; versus anteriora vero angustiores deprehenduntur, coni figuram simulant, cuius basis in orificio, apex in vagina sit. Quandoque haemisphaerica remanent, quod quatuor obseruavi vicibus, in quibus omnibus stadium tertium et quartum non ultra tria minuta durauere. Obstetricantis itaque attentionem meretur ista Membranarum figura.

***) Magnus inter scriptores rei obstetriciae dissensus est, de situ capitis foetus in partu, et vix meum censeo tantas componere lites. Referam ea, quae ego, trigesies saltem sensi et tactu percepi. In primo et secundo stadio foetus facies latus aliquod, plerumque dextrum, respiciebat: futura sagittalis, secundum diametrum obliquum, s. Deuenteri sita erat: tunc sensim ingruente stadio tertio, et praecipue sub vigore eius, caput ita versum fuit vt incipiente stadio quarto fontanella minor in regione arcus ossium pubis, futura vero sagittalis, secundum diametrum minorem sita inueniretur. Tunc occiput, figura conum referens sub arcu pubis figebatur, et in linea semicirculari, facie primum apparente euolu-

Quibus iam, vt plura pratermittam, apparet, obstetricantem, quantum fieri potest, in prognosi edicenda quam maxime cautum semper esse oportere. Quodsi vero necessario aliquid praedicendum esset, tunc comparatis ac bene consideratis phaenomenis iudicium ferat circumspectum ac potius ambiguum, ne parturientem vana spe decipiat, famamque perdat.

*

*

*

Quamquam partus *naturalis* proprie sic dictus, sit functio foeminae sanae imo signum optimae valetudinis, ideoque foemina doloribus ad partum correpta haud tamquam aegrotata artis opem efflagitans considerari possit; attamen negari non potest, auxilium ab obstetricante superuacaneum non esse, cum multum leuaminis afferre, variaque pericula, parturienti imminencia, auertere possit. Coeterum vero semper in memoriam reuocandum, obstetricantem potius observare quam agere, naturam potius sequi quam praeuenire debere, seque, vti semper, naturae ministrum non magistrum esse.

Supellex obstetricia in partu naturali necessaria comparata esse debet modo sequenti. Aesse debent;

Sella

uebatur. Haec naturalis capitis versio, nonnullos obstetricantes, ni fallor, in errorem induxit, vt putassent, se situm capitis peruersum in naturalem digitorum ope mutasse: cum mathematice demonstrari possit, id fieri numquam posse.

Sella obstetricia commoda (instar omnium est, quae ab ill. *Stein* nomen habet); Syringa pro clysteribus: Fasciola ex 6-8 filis tenuioribus composita et cerata, ad deligandum funiculum vmbilicalem apta. Forceps apicibus detruncatis, versus apicem incuruis (Galli ad hunc scopum vtuntur forcipe peculiari, quam *Ciseaux en Ecreuisse* nuncupant); lanceola s. Phlebotomus; Spiritus salis ammoniaci. Adsint praeterea: Vinum, acetum, vnctuarii aliquid, oleum amygdalarum dulcium, butyrum recens, insulsum, copia sat magna fortis cuiusdam decocti mucilaginosi, aqua calida, linteorum denique siccorum, calidorumque sufficiens copia.

Sub primo nunc partus stadio obstetricans nil aliud aget, nisi vt omnia parata sint curet, quae vel ad leuamen foeminae parturientis, vel ad nascituri infantis curam facere possunt. Sequentium igitur capitum curam habebit:

Cubiculum. Pro re nata sit magnum satis et spatiosum et ita collocatum, vt aëri liber transitus concedatur simulque, si necessitas vrgeat, calefieri possit.

Situs parturientis. Accedat quam maxime ad situm quem in summa corporis quiete obseruare solemus, sitque eo modo accomodatus, quo nixus validissimi edi possunt. In primo quidem et secundo stadio parum refert, vtrum parturiens incedat, aut subsistat, vel sedeat, an vero decum-

bat. Ateffluxis aquis in situm se conferre debet, ante partum non relinquendum. Hoc casu autem mulieris situs debet esse medius inter sedentis et recumbentis in dorsum. Os coccygis sit ab omni compressione liberum, femora disiuncta. Genua flexa subfulciantur, pedes figantur, atque imponantur firmis ac durioribus fulcimentis. Vtraque etiam manu constringat mulier corpus quoddam firmum, quo validiores ad expellendum foetum nixus edere queat. Ad impetrandum hunc scopum variae gentes variis vtuntur artificiis. Germani et Bataui enim commendant sellam obstetriciam: Gallis lectulus in vsu est: Anglis quoque; hi praeterea in situ parturientis laterali opem ferunt. Perinde videtur, vtrum sella an lectulo vtamur, modo ambo ad officia sua commoda sint.

Sellae obstetriciae duo praecipua requisita sunt, vt mobile fulcimentum dorsale sit, atque ipsa facile et commode ex vno in alterum locum transportari possit. Iuncta haec duo commoda, praeter multa alia, offert ill. *Steinii* illa, secundum *Deuenterii* quidem ideas fabrefacta, at quoad maximam partem correcta.

In *Gallia* plerumque sternitur lectulus ita, vt supra planum inclinatum parturiens iaceat, lumbos, dorsum, humeros caputque gradatim altiora habeat clunibus. Proxime ad sellae commoda accedit methodus ista, saepius ipsi sellae praeferenda, modo ita

com-

comparatus sit lectulus, vt progrediente partu reliquum corpus in situm fere horizontalem redigi possit.

Angli, vti supra dictum fuit, situm lateralem praeferunt, quo foemina lateri sinistro incumbens, facie ab obstetricante remota, cruribus inflexis, suffultis, genubus puluinari conduplicato a se inuicem remotis, auxilium accipit.

Obstetricans autem nulla praesente sella s. lectulo commodo, praesentibus e sellis, scamnis, tabulis, puluinaribus, stragulum commodum conficere, et tempori seruire bene calleat.

Vestitus foeminae ita comparatus sit, vt nusquam corpori firmiter adhaereat, sed omnia laxa atque commoda sint, nullumque doloribus impedimentum, s. parturienti periculum afferant. Neque nimis densus nec nimis tenuis sit, munditiei inseruiat, et ad subito commutandum sit idoneus. Arridet quoque cl. *Plenckii* consilium, qui varicibus in pede praesentibus, fascias applicare iubet, ne ex improviso rumperent, vitaeque periculum afferrent. Ad praecauendas strumas, collum firmiter ligare solent nonnulli, at pessimo consilio. Praestat enim aliud remedium, de quo infra agam.

Cibus non plane negandus, at talis porrigendus, qui facilis sit digestu, neque vllas molestias, siue flatus, siue cruditates generare possit. *Potus* autem pro lubitu supeditandus modo frigidus, modo tepidus.

Maxime vero conducit decoctum hordei cum succo citri, infusum quodcunque theaeforme, inprimis Fl. Chamomillae: Aqua cum crusta panis decocta, addito ad gratum saporem aceto: neque aqua frigida siue meraca siue vino mixta plane contemnenda erit. Confortantia, calefacientia, spirituosae suo quidem loco, at raro, prodesse possunt; saepius autem quando temere et sine indicatione propinantur, omnino obsunt. Melius itaque erit, eorum usum communi obstetricum plebi plane interdicere. Quando vero opus esset tali cardiaco, tunc vinum generosum Burgundicum, aut vinum meracum Rhenanum, reliquis fere omnibus palmam praeripit.

Excretionibus tum *alui*, tum *lotii* ante omnia prospiciendum. Mirum enim est, quantum ad partum facilitandum conferat foecum in intestino recto accumulatarum euacuatio, et quanta partus impedimenta ab eodem intestino a foecibus distento oriuntur. Prima itaque cura obstetricantis in eo versetur, ut foeminae *clyisma* emolliens ex infusis Fl. Chamomillae, Maluae, Althaeae, cum lacte, oleo, vel iusculo carnis non salito applicari, et pro re nata repetere iubeat. Dein lotium quoque mittere debet parturiens, quousque eius excretio non fuerit suppressa. Quo casu, urgente necessitate, ad catheteris applicationem confugere debemus; hanc vero operationem difficillimam, nec nisi a viro peritissimo exercendam

dam esse, in eo consentiunt omnes fere summi in arte viri, negante, nescio quo iure, solo cl. *Hagen*.

Venaesectio quidem raro instituenda, cum plerumque plus nocet quam proficit. Sed omnino occurrunt casus, ubi maxime necessaria erit. Hos secundum therapeutices praecepta dignoscere debet obstetricans, et si recte perceperit, saepissime vnica tantum VS miraculum quasi patrare potest.

Haec fere sunt, quae in primis partus stadiis perficienda incumbunt obstetricanti. Si exploratione certior factus est de recto foetus situ et de partu vere instante, tunc omni exploratione abstineat, donec membranae rumperint. Alienum plane et multis modis noxium foret, ubi hanc regulam negligeret. Quo magis enim otiosi sumus, eo melius opus perficimus.

Praeter supra recensita, obstetricantis auxilium sub partus initio erit, parturientis animum erigere, et omnibus persuasionis artibus dolores eius subleuare, praecipue ubi in partus negotio noua sit foemina, hortando vt bene speret, pollicendoque tempore opportuno opem. Neue obliuiscatur adstantium et muliercularum inutilium et parturienti minus acceptarum turbam dimittendi, et tantum eas seruet, quas sibi commodo futuras credit.

Varias ob causas plurimum conducit, parturientem statim post aquarum effluxum in eum situm transferre, in quo partum editura

tura est. Numquam enim de certo dicere possumus, vtrum maiore, an minore temporis interuallo post, partus insecuturus sit: neque vlllo modo dubitandum, foeminam in situ supra commemorato, multo validiores, eosque securiores nixus edere posse, quam si adhuc in pedibus subsisteret, aut incederet. Itaque nunc parturiens in situm satis commodum et aptum transferatur, obstetricans vero, sella humiliori contra eam sedeat, vt genubus sellam siue lectulum attingat, hisque parturientis crura a se inuicem remota teneat. Obstetricans super femora linteum conduplicatum expandat, deinde parturientem linteo largo obtegat, ne decentiam ullo modo negligat: caeterum vestimenta nequaquam deponat, ne laniatorem referat; sed sufficiet munditiei ergo, manicas vestimenti apertas aliquantulum reiicere.

Vt vero vires ad partum, quas vocant secundarias, efficaciores reddantur, fulcimenta quaedam parturienti ministrare expedit; si lectulo vtatur, ambae columnae, aut ambo pedes huic muneri satisficient, si autem latior sit lectus, asser transversus poni potest, quem ad lecti fulcra, aut si lectus loris subtentus sit, ad clauum ligneum huic infixum, alligandum curabit obstetricans. Quorum defectu duae adstantes, parturientis femora diuaricata tenebunt, manibus mulieris genubus admotis. Admodum quoque conducit,
osi

si sub vertebrarum lumborum et ossis sacri regione linteum triplex vel quadruplex ponatur, vtrinque prominens, quo sub dolorum accessu subleuetur foemina, et levamen illi eximium praebeatur.

In fella omnia haec commoda iam adfunt; et obstetricantem nihil adliud agere oportet, nisi vt ipse genua foeminae fortiter sustineat, donec alibi opem ferre coactus fuerit, tunc temporis duabus adstantibus id negotium reliquendum. Altera adstans caput parturientis leuiter versus pectus premit, ibique firmiter teneat, vt struma praecaueatur (quod quidem auxilium multo minus periculi habet, quam ligatura illa supra nominata; neque vlla inde molestia parturienti exsurgit, si cum vrbanitate fit).

Dum parturiens in situ isto decumbet, hortetur eam obstetricans, ne dolores irritos esse sinat, sed potius efficaciores reddat, musculos abdominales contrahendo, valide sed lente spiritum ducendo, leniter vero expirando, eosdem conatus edendo, quibus aluum exonerare solet. Adest enim tempus, quo natura omnibus viribus intentis, exitum foetus molitur: sustentare molimina ista, hoc opus, hic labor est. Adest nunc tempus, quo prudentis cunctationis fructus capere possumus, nisi primo et secundo fladio foeminam modo plane noxio ad nixus edendos exhortati sumus, et labore vano defatigauimus.

Simulac velamenta rupta fuerunt, obstetricans exploratione certior fieri studet, de capitis recto situ, et in os vteri ingressu. Si omnia ex voto cedere inuenit, tunc vel plane omni vltiore exploratione abstineat, vel saltem rarissime id peragat, ne foeminae inde dolores exoriantur, et vagina mucosuo suo, ad faciliorem capitis transitum maxime necessario, destituatur. Vbi autem scire refert, num dolores reuera efficaces sint, nec ne, tunc exploratione opus est, ante, sub, et post dolorem instituta.

Quartum nunc appropinquat itadium illud, quo, si vnquam, auxilio opus habet parturiens nostro. Scilicet, sub validis istis nixibus caput magis magisque in cauitatem peluis descendit. Tandem totum in vagina haeret, et nunc sub doloribus perinaeum tensum fit et extenuatur: sentitur caput perinaeo veluti obvolutum, haemisphaericum.

Notandum, quod quanto vltius processerit caput, eo magis deprimendus sit lectulus siue fella, ita vt situs eius mox ante partum, sit decumbentis in dorsum.

Tum pinguedine quadam, butyro recente, oleo amygdalarum dulcium, vel etiam decocto Maluae, s. Altheae, vaginam, labia, et praecipue perinaeum, inungat et oblinat obstetricans, vt partes inde fiant laxiores, et reddantur magis lubricae. Dein sub quouis dolore expansum perinaeum firmiter vola dextrae suae sustineat, et valide premat superiora versus.

Si

Si altius descenderit caput, eiusque tumor inter labia magna apparet, et perinaeum tensum manet, tunc idem auxilium ita continuatur, vt dextra semper fortiter perinaeum sustineat, sinistra genitalibus oleum applicante. Manus vero ita posita sit, vt carpus ad commissuram labiorum inferiorem planum inclinatum formet, super quod caput lento modo e vagina progreditur. Quotiescumque manus per longius intervallum perinaeo applicata esse debet, tunc vlna genu eiusdem lateris imposita suffulciatur, subinde etiam altera manu iuuetur.

Alios fuisse obstetricantes, qui hoc tempore auxilium nefandum et omnino reiiciendum, commendauerint, neminem fugere potest. Praecipiebant nimirum; hoc tempore duobus inter perinaeum et caput foetus intermissis digitis, perinaeum retro, posteriora versus premendum et infra caput ducendum esse, Luce autem clarius patet, quam peruersum ac periculosum sit auxilium istud. Perinaeum enim, chartam scriptoriam tenuitate referens, et a capite solo tantopere expansum, vt quavis occasione rupturam minuitur, magis adhuc extenuare atque expandere, nonne hoc idem est, ac si eiusdem rupturam accelerare velles? — Et revera nusquam alias plura de perinaei rupturis legimus, quam apud eos scriptores, qui nefandum istud artificium commendant. Cum e contrario qui descripto modo parturienti

suc-

fuccurrunt, inter quos praeclari nominandi veniunt *Smellie*, *Stein*, *Plenck*, de hoc infortunio vel plane numquam, vel saltem rarissime loquantur. Equidem auxilium isthoc sequutus, nullam usque ad hunc diem, perinaei rupturam deprehendi. Quinimo quater, sub partu admodum praecipiti *frenulum* fere intactum et bene conseruatum vidimus, sed etiam in his casibus semper tumorem capitis reperimus, neque umquam *sphaericum* in lucem editum caput (quod quidem accidere posse neutiquam nego; sed tantum dubito, an tam frequenter accedat, ut *Cl. Hagen* hoc affirmat . . . et si accideret, tamen oriretur questio; num, si perinaeum probe sustentatum foret, capite etiam sphaerice prodeunte, frenuli et perinaei ruptura non praecaueri posset?).

Fit interdum, ut pars segmenti inferioris uteri (plerumque anterior et superior) inter capitis foetus ossa et arcum ossium pubis comprimatur, ita ut tumere incipiat, et nonnisi summa cum difficultate retrocedat: vel etiam alia ex causa uterus non prorsus caput derelinquit et hoc modo partum retardat. Tunc sequens eximiae utilitatis comperimus auxilium: digitum nempe medium et indicem alterutrius manus, ita ab utroque latere capiti foetus apponendi, ut ea orificii uterini pars leniter reprimatur. Quae encheiresi saepius partum ad unam et plures horas promouimus.

Saepius etiam capiti, si iam exitum parat difficultas quaedam obuiam venit; ita vt si iam extra genitalia conspiciatur, sub dolorum interuallo quasi retrocedat. Mirum quantum in hoc casu promoueat partum encheiresis illa, quo vnum vel duos digitos illius manus, quae perinaeum sustinet, in orificium ani apertum introducimus, et hac ratione caput ibi retinemus vbi a doloribus propulsum fuit.

Ita fiet, vt tota tandem capitis moles, e sinu pudendorum exeat, quod obstetricans nunc sinistra sua sustinere, dextra vero exitum humerorum et reliquarum corporis partium adiuuare debet. Si autem humerorum exitus paulum retardaretur, indice sub axillas demisso et sic trahendo solutio eorum accelerari oportet. Deinde totum corpus secundum axin peluis extrahitur, et infans transuersim gremio obstetricantis imponitur: postea funiculus vmbilicalis ad longitudinem quatuor pollicum a corpore infantis fatis arcte ligandus, atque ad distantiam vnus pollicis extra hoc diffecandus est. Infans mox balneo tepido committitur, et vbi a sanguine purgatus fuerit, mensuris et pondere compertis, inspectisque ab obstetricante, ore, naribus, auribus, palpebris, ano, meatu vrinarii apertura, vt si quid in iis naturae instituto alienum inueniret, tempestiuam opem ferre possit, linteis, calidis vestitur et in lectulum ponitur.

Post hoc puerpera in situm plane horizontalem transfertur et pedibus iunctis somno per semihorulam relinquitur. Quod si nulla oriuntur symptomata, quae ad accelerandam secundinarum extractionem cogunt, e. gr. conuulsiones, haemorrhagiae, commode per vnam et plures horas expectari potest, vsquedum foemina ipsa, (quod plerumque fit), nos moneat, vt ad hanc solutionem cogitemus. In hoc interuallo vt plurimum paucae sanguinis guttulae stillare, et omnes illae mutationes, quas iam supra memorauimus, conspiciuntur, ita vt placenta iam in vagina haereat et obstetricanti nihil aliud agendum sit, nisi leni attractione funiculi vmbilicalis, exitum eius taboluere.

Sed quandoque accidit, vt vterus totus quantus sit contractus, vtque sanguis stillauerit, et nihilo minus placenta non sequatur. Huius phaenomeni ratio plerumque ea est, quod vel moles placentae vaginam tam arcte implet, vt hinc difficultas aliqua nascatur, vel portio eius in orificio vteri remansit et ab illo constringitur. Si obstetricans hunc casum probe perspexerit et persuasum habet placentam ab vtero esse separatam, et foemina propter hanc moram anxiosa et sollicita sit, tunc illi hoc modo succurrendum: obstetricans, vt supra dictum fuit, sedeat, et digitis medio et indice dextrae manus linteo tectis, funiculum umbilicalem bis circa hos voluit, et quidem ita, vt

vt pollex superiora spectet et tota manus proxime ad genitalia accedat. Tunc iisdem digitis manus sinistrae in vaginam immissis, et vsque ad insertionem funiculi in placentam protractis, his funiculus deprimitur, et eodem tempore dextra tractionibus leuioribus, spiralibus attrahitur, ad axis pelvis normam.

Placenta fere semper has leuiores tractiones sequetur, quod facili opera ab obstetricante percipitur; tunc pergendum est, et funiculus denovo circa digitos voluendus, si longior factus est, vt eo maiori efficacia trahere possimus.

Sin vero minus id acciderit, atque e contrario funiculus retraheretur, et placenta minime sequente etiamsi tractiones paullulum fortiores instituerentur, tum subito ab hac encheiresi desistendum. Quid vltius sub his periculosis circumstantiis agendum sit, cum ad opem in casibus praeternaturalibus ferendam pertineat, huius loci non est.

Si vero sequatur placenta, et iam in vicinia labiorum maiorum appareat, tum sinistra versus commissuram inferiorem descendendum, vt vola eius excipiatur placenta: dextra funiculum relinquit, et velamenta reuersa, et post placentam sequentia, leniter attrahit.

His peractis obstetricans manum adhuc in vterum insert, et grumos sanguinis, qui in cauitate eius reperiuntur, euacuat, simul-

que certiozem se facit, contractiones vteri bene succedere.

Piget sane, de multiuariis infirmitatibus et periculis loqui, quibus foemina exposita est, si neglectis istis regulis, ab obstetricante seruandis, sine die et consule, simulac placenta non breui apparet, manus vtero immittitur et placenta saepenumero vnguibus separatur. Legant, obsecro, omnes hanc perniciosam nimis regulam sequentes, Cl. *Aeppli* de hac re egregia scripta, et si tunc temporis non credunt cautiore, neque meliora edocentur, arti obstetriciae valedicant potius, quam vt auctores esse malorum innumerorum pergant.

Foetu in lucem edito, simulque secundinis extractis, si sanguis, sublata iam resistentia nimia violentia agatur in aortam descendentem, ortum praebet, Lipothymiis syncope, conuulsionibus et id genus aliis; quibus occurritur ventrem fascia lata leniter constringendo (vti Cl. *Monro* post paracenthesein abdominis applicare iussit). Mater deinde in lectum calidum et mundum transferenda, femoribus ad se inuicem adductis et cruribus extensis, linteisque modice calefactis, vino generoso cum oleo quodam dulci mixto, imbutis, genitalibus et abdomini applicatis ne vterus ab aëre frigido laedatur, lochiaque supprimantur. Si debilis sit, quoddam iusculum loco calefacientis potus porrigitur etc. Linteamenta crebro immu-

immutanda: munditiei summa cura habenda. Curandum tandem, vt quiete tam animi quam corporis perfectissima fruatur parturiens.

*

*

*

Sed hic pedem figo, et in aliud tempus differendum puto, innumeras describere diuersitates, quae, siue a nimia aquarum copia, siue a peruersa valetudine parturientis, siue ab obliquitate vteri, siue ab animi affectibus, nimia magnitudine infantis, angustia peluis, spasmo &c. in partu exoriri possunt, quamquam tandem naturalis fiat. In tabula exhibita et in secunda et tertia obseruatione varii eiusmodi casus occurrunt. At nimis prolixum foret, si de singulis seorsim tractare vellem.

THESES.

I.

Periculi plena, ideoque damnanda, est illa encheiresis, ubi expanso iam atque extenuato a capite perinaeo, perinaeum digitis in vaginam intromissis expandere adhuc et reprimere praecipitur.

II.

Lectio librorum, quos veteres graeci et latini reliquerunt, nostri aevi medicis neutiquam necessaria esse videtur.

III.

Foemina, ubi abortum passa fuit, methodo antiphlogistica potius refrigeranda est, quam Tincturae Cinnamomi aliorumque calefacientium usu exaestuanda.

IV.

Explorationis distinctio in perfectam et imperfectam, omnino nihil praeter nomen noui continet

*tinēt; ab omnibus nempe inde a Smellie
obstetricantibus suo loco vſitata.*

V.

*Opportuno forcipis Leuretianae uſu vigentibus
ſpaſticae indolis ad partum doloribus, Ca-
ſtoreo, Liq. anod., Spir. C. C. et reliquis
omnino carere poſſumus.*

VI.

*E certiffimis grauiditatis ſignis, in primiparis,
eſt orificii uteri figura in rotundam mutata.*

VII.

*Fallax fere ſemper trahitur concluſio ex experi-
mentis in brutis captis ad hominem.*

VIII.

*Febre puerperarum moriuntur interdum, qui-
bus utero incifo foetus fuit extractus. Num
ſeruandae, ubi ante operationem eius febris
cura prophylaſtica fuerit inſtituta?*

IX.

*Frenuli poſt partum praefentia certiffimum prae-
bet documentum auxilii caute atque circum-
ſpecte adminiſtrati, abſentia vero contra-
rium docet.*

X.

X.

Quo iuniores sunt mulieres, modo annum aetatis decimum septimum peregerint, eo felicius parturiunt.

XI.

Occurrunt omnino casus, ubi sectio Symphyseos ossium pubis embryulciae et operationi caesareae praestat: minime itaque plane reiicienda.

XII.

Foeminis gravidis, ultimo praecipue graviditatis tempore, saepius conuenire videtur emesis, quam venaesectio.

PARTVS HISTORIA.

Numerus Ob- vationum.	Numerus Graui- ditatum.	Habitus et Con- stitutio Personae	Conformatio Pelvis.	Tempus concep- tionis.	Tempus partus.	Sensationes, valetudo foeminae graviditatis tempore.	Pondus infantis.	Longitudo infantis.	Diameter capitis maior.	Diameter capitis minor.	Longitudo funi- culi umbilicalis.	Eius Qualitas.	Placentae Pondus.
1.	P.	Statura mediocr. robusta, fana.	Bona.	Vltima Martii 85. hebdom.	D. 9 Febr. 86.	Semper bene se habuit. Primi dolores hora nona noctis inter 9 et 10 Die Febr. — Hora 9 $\frac{1}{2}$ matut. <i>Signa</i> adfunct. — Hora 12 Aquae formatae. — H. 12 $\frac{1}{2}$ Velamenta rupta. <i>Initium stadii</i> tertii. — H. 1 $\frac{1}{2}$ Caput totum in vagina, prope finem pudendorum. — H. 2da po- meridiana capitis tumor inter labia maiora apparet. — H. 2 $\frac{1}{2}$. <i>Stadium quartum</i> . H. 2. 57 min. PARTVS. — H. 3. 20 min. placenta soluta . . . post copiosus sangui- nis effluxus.	6 $\frac{1}{2}$ libr.	20 pollic.	4 $\frac{1}{2}$ pollic.	3 $\frac{1}{2}$ pollic.	19 $\frac{1}{2}$ pollic.	Crassus semel cir- ca infan- tis col- lum con- tortus.	1 $\frac{1}{2}$ libr.
2.	P.	Parua, at beneconfor- mata, fana et robusta.	Bona.	Tertia Martii 85. hebdom.	D. 19 Decembr. 85.	Bene se habuit. Alieni nihil sensit. Fine Nouembr. mam- mae lacte impleri coepere.	—	—	—	—	—	—	—
3.	M.	Benecon- formata fana.	Bona.	Secunda Sept. 85. hebdom.	D. 13. Febr. 86.	Nauseam, vomitus, dolores mammarum perpessa est.	6 $\frac{1}{2}$ libr.	21 pollic.	4 $\frac{1}{2}$ pollic.	3 $\frac{1}{2}$ pollic.	14 $\frac{1}{2}$ pollic.	Sangui- neus.	—
4.	M.	Vti supra.	Bona.	Secunda Iunii hebdom.	D. 23 Martii 86.	Fluxum menstruum vsque ad dimidium fere grauidi- tatis tempus habuit.	7 $\frac{1}{2}$ libr.	22 pollic.	5 pollic.	4 pollic.	23 pollic.	Crassus.	—
5.	M.	Vt supr.	Bona.	4ta Iunii hebdom.	Eadem Die.	Bene se habuit. Vitam foetus versus finem Sep- tembris sensit.	6 $\frac{1}{2}$ libr.	22 $\frac{1}{2}$ pollic.	4 $\frac{1}{2}$ pollic.	3 $\frac{1}{2}$ pollic.	32 pollic.	Crassus.	1 libr.
6.	P.	Staturae procerae, fana, ro- busta, quadrata, torosa.	Optima.	Vltima Maii 85. hebdom.	D. 25. Mart. 86.	Tribus primis mensibus appetitu carebat. Dolores mammarum et dorsi perpe- ssa est. Inde a prima Decem- bris die vitam foetus sensit.	6 $\frac{1}{2}$ libr.	23 pollic.	5 $\frac{1}{2}$ pollic.	4 pollic.	20 $\frac{1}{2}$ pollic.	Pinguis.	$\frac{1}{2}$ libr.
7.	M. ?	Parua, ad- modum iuuenis.	Bona.	Penulti- ma Iunii 85. hebdom.	D. 15. April. 86.	Nausea, Lipothymiae crebrae. Dolor mamma- rum.	4 $\frac{1}{2}$ libr.	21 pollic.	4 pollic.	3 pollic.	—	Crassus varicibus distinctus	1 libr.
8.	M.	Statura me- diocris, ro- busta.	Bona.	Fine Aug. 85.	D. 12 Maii 86.	Vertigine, Lipothymiis, doloribus lumborum quan- doque afficiebatur.	6 libr.	21 pollic.	4 $\frac{1}{2}$ pollic.	3 $\frac{1}{2}$ pollic.	—	Pinguis.	—
9.	P.	Virago, sta- turae pro- cerae, ro- busta, cra- ssa, torosa.	Optima.	Penulti- ma Iulii 85. hebdom.	D. 13 Maii 86.	Nihil incommodi a grauidi- tate habuit. Inde a 3tia Xbris septimana vitam foe- tus sensit.	7 $\frac{1}{2}$ libr.	21 pollic.	4 $\frac{1}{2}$ pollic.	3 $\frac{1}{2}$ pollic.	24 $\frac{1}{2}$ pollic.	Sanguin- eus, col- lum semel circum- dans.	—
10.	M.	Staturae mediocr.	Bona.	Primis Sept. 85. diebus	D. 27 Maii 86.	Per totum grauiditatis tem- pus sana fuit. d. 25. Xbris primos infant. motus sensit.	7 libr.	22 pollic.	4 $\frac{1}{2}$ pollic.	3 $\frac{1}{2}$ pollic.	24 $\frac{1}{2}$ pollic.	Sanguin- eus, circa col- lum fle- xus.	1 $\frac{1}{2}$ libr.
11.	M.	Statura me- diocris, ro- busta, fana.	Bona.	a Sept. 85.	D. 28 Maii 86.	Bene se habuit, excepta quadam lassitudine.	6 $\frac{1}{2}$ libr.	22 $\frac{1}{2}$ pollic.	4 pollic.	3 pollic.	—	Crassus.	1 $\frac{1}{2}$ libr.
12.	P.	Statura pro- cera bene conformata, robusta.	Bona.	a Sept. 85.	D. 8 Aug. 86	Praeter pallorem faciei, et torem dextri pedis, nul- lum incommodum sensit. Credit, se versus partus sensit.	6 $\frac{1}{2}$ libr.	22 pollic.	4 $\frac{1}{2}$ pollic.	4 pollic.	25 pollic.	Crassus.	1 libr.
13.	M.	Statura me- diocris, fana robusta.	Bona.	A mensibus suppressis, non potest tempus de- terminare, cum semper inordinate menstruata fuisset.	D. 12 Aug. 86.	Nauseam, vomitus, Lipo- thymias: at primis tantum mensibus.	8 libr.	22 pollic.	4 $\frac{1}{2}$ pollic.	4 $\frac{1}{2}$ pollic.	—	—	1 libr.
14.	M.	Vt supr.	Bona.	Nihil certi dicere po- test.	D. 19 Aug. 86.	Solito modo affecta est. Tertia Februarii hebdoma- da primos infantis motus sensit.	7 $\frac{1}{2}$ libr.	22 pollic.	4 $\frac{1}{2}$ pollic.	3 $\frac{1}{2}$ pollic.	—	Crassus. Centrice infertus.	1 libr.

Scholia quaedam ad praecedentem tabulam.

Tabula ista ex observationibus prolixiori sermone conscriptis redacta, praecipua tantum momenta offert, ad partus naturalis historiam pertinentia. Nullus equidem dubito, quin eiusmodi conspectus confici posset ex quo plura adhuc et grauiora corollaria deduci possent; ideoque in posterum ipse annuat, vt ad maiorem eius perfectionem et meam conferam symbolam. Vt tamen appareat, magnos exinde fructus redundare posse, subiciam conspectaria quaedam, leui tantum penicillo adumbrata, et tabula mea petita.

Ex omnibus 14 puerperis, ex Nro. 4. sola est, quae tempus grauiditatis a concubitu cum viro definitur: caeterae omnes a suppressione fluxus mensuram computum faciebant. Quam dubia autem atque fallax ista numerandi ratio sit, quoties fere edocemur. In tabula mea ne duas quidem foeminae sunt, quarum calculus inter se conueniat; pleraque vno, duobus, tribus mensibus inter se differunt; ita vt modo sex hebdomadibus ocyus, modo octo septimanis tardius foetus enixa sit haec vel illa. Id quod ex eo, si fallor, oritur, quod grauidae raro attento satis animo mutationes in functionibus suis occurrentes, obseruant.

Hanc igitur ob rem censuo, temporis grauiditatis signa quidem omnia multum fallere posse, sed maxime ea, a fluxu mensuram suppressio, et a tempore primorum embryonis motuum etc. delimita; multo certiora vero ea, quae tactus et exploratio tam externa, quam interna rite instituta, nobis offerunt. — His si signis, in nosocomio saepius partus diem coniectura adieci sumus. At quandoque etiam, praecipue in multiparis, nos fecellimus. Apud eam Nro. 4. inde a concubitu vsque ad partum 42 hebdomades elapsae erant; ita vt talis calculus, si vbiq; institui posset, haud ita multum a veritate aberraret.

Vitissimum est prognosticon semelotices oblietriae: quo diutius durauerint primum et secundum partus stadium, eo citius et quartum finitum iri. Quod autem, quam multis subiectum sit exceptionibus, iam ex re ipsa patet. Vtique tertium et quartum stadium minori tempore absoluntur, quam duo priora. At rationem quandam murem stadium, nonnulli ex sexcentis casibus colligere possent, et tunc temporis haud magnam reperires. Quidam tertium et quartum stadium eadem ratione qua 1 et 2dum diutius durare videntur.

Quare tam multa circa vltimum dolorem ad partum conueniunt, ita vt plerique partus ante lucem succedant?

Nunq. verisimile sit, anni tempus, compellat, et temporis mutationes vni quamdam in partum habere, ita vt ab illis nonnullarum dierum citior sine tardior partus pendeat? — Haud displicet haec coniectura, quae vero nonnulli longa observationum serie affirmabitur.

Recentius foret etiam locus rupturae velamentorum et inferionis funiculi umbilicalis. Cum autem ambo in plerisque eccentrica sint, tum temporis tantum noranda sunt, quando centricae ruptae et infectae inueniuntur.

Plurimum sane inueni oblietriae conducent, si omnes partum historias, quibus interesse ipsi contingeret, methodo tabellari literis configuraret. In eiusmodi autem schemate specialiter praeter iam memoratos, sequentes tituli, si fallor, necessarij essent: Mensis; dies; mensurae Barometri, Thermometri, Hygrometri pondus aquarum; laticudo humerorum; genus; valetudo infantis; natus puerperij et eiusdem memoratu digna reliqua.

Ad No. 3. Capitis tumor fac magnus, solio mollior erat, digitiuque impressionibus cedebat, vti apud infantes sub partu mortuos inueniunt; nihilo minus infans iam a primo vitae momento maxime alacris ac vegetis fuit.

Ad No. 4. Est specimen partus maxime naturalis. Velamentorum figuram nulla alia occasione tam bene formatam et in 3to et 4to stadio dolores tam efficaces, et tamen partum non nimis praecipitum vidi quam in hoc casu.

Ad Nro. 5. Infantis tumor capitis maxime fuit conspicuus. Simulae et matris sinu veniebat, mortuum esse credebamus, sed VS. et funiculo umbilicali, balneis tepidis, adspersione aquae frigidae inopinata saepius repetita, spiritu salis ammoniaci, tum fritionibus continujs in vitam reuocatus.

Ad Nro. 6. Inter 40 fere neonatos, hic vnicus in partu demorens est, qui nullis artificijs vitae restitui poterat.

Ad Nro. 7. Foemina ista 17 annorum, ceruicis portiohem, quam vocant vaginalem, ita comparatam habebat, vti iam in lucem edito infante deprehendi solet, attamen paulo mollior erat. Negauit strenue, se antea vnquam concepisse: dubitandi anam nobis etiam dedit aetas eius tam iuuenilis. Sed postea certiores facti sumus eam iam abortum passam fuisse. Velamenta tenacitate pegamento accedebant: id circo etiam difficultatibus ruptura eorum, artis ope facta, coniuncta erat.

Ad Nro. 9. Foemina ista, quamvis robusta, torosa, virago fuerit, tamen dolores non admodum fortes experta fuit. Sensibilitati a nimia pinguedine imminuta tribuendum id fuisse, vix dubito.

a.
Med. Ocul.

